



Saksframlegg

Søknad om stønad til forprosjekt Rullepark - samfunnsutviklingsfondet

Utval	Utvallsak	Møtedato
Formannskapet		

Endeleg vedtaksrett i saka har formannskapet:

Dokument i saka:

[Temaplan for kulturbygg, idrett og friluftsliv, 2025-232](#)

Bakgrunn for saka:

Visar til sak om Rullepark-skateområde til handsaming i kommunestyret i mars, saksnummer 2026/119-1 i Elements.

Kommunestyret løyvde i sak 84/25 Økonomiplan 2027-2029 og budsjett 2026 kr 2.000.000 til prosjekt Rullepark med løyving frå investeringsbudsjettet 2027.

Behovet for eit utvida område til skating med meir har vore ytra ynskje om i mange år, seist gjennom ny Temaplan for kulturbygg, idrett og friluftsliv. Det blei vinter 2025 gjennomført eit forstudie for å sjå på kostnader og moglegheitar. Forstudiet er gjennomført av Høgde, i tett samarbeid med avdeling kultur. I forstudien har ein og vore i kontakt med Betongpark, som er leiande leverandør på skateparkar i Noreg. Anlegget var opprinneleg tenkt lagt til området mellom kulturhuset og Gardar.

Målet med prosjektet er fyrst og fremst å utvikle for å bidra til auke trivsel og samhald i nærmiljøet;

- Skape arenaer for kreativ bruk og allsidig aktivitet
- Gje eit tilbod som fungerer både i skuletida og på fritida
- Tiltrekke både lokalbefolkning og gjester til Fyresdal
- Inspirere til bevegelse og fellesskap – året rundt.

Det er tenkt fylgjande hovudelement:

- Stor skatepark på 800m² i betong med varierte element
- Mellomstor pumptrack (mogleg å justere i storleik)
- Trampoliner integrert i bakken
- Gapahuk med plass til heile skuleklasse og slangbord for samling
- «Mange gode «hangouts» og sittegrupper fordelt i området.

Ein visar til forstudien som ligg som vedlegg til saka.

Framdrift:

- Planen er å gjennomføre eit forprosjekt i 2026. I forprosjektet skal ein:
- Utarbeide skisser og funksjonsbeskrivingar
- Kostnadsestimere og utarbeide målpris
- Finansieringsplan
- Skaffe ekstern finansiering

For å gjennomføre forprosjektet må ein leige inn ekstern kompetanse, og dette er kostnadsestimert til kr 300.000,-.

Dette er tenkt finansiert vi Fyresdal kommune sitt samfunnsutviklingsfond.

Dersom forprosjektet konkluderer med at prosjektet er gjennomførbart og finansiering er på plass, får kommunestyret ein sak og vurdering, og ein kan eventuelt gå vidare til byggjefase med bygging i 2027.

Vurdering:

Saka er vurdert ut frå strategi for samfunnsutvikling kultur og frivillige i kommuneplanen sin samfunnsdel for Fyresdal kommune 2023-2035:

Fyresdal kommune skal satse på eit attraktivt og breitt kultur- og fritidstilbod

- *Legge til rett for møteplassar*
- *Jobbe for ein meningsfull fritid for alle*

Temaplan for kulturbygg, idrett og friluftsliv har dette som eit av fire hovudsatsingsområde

- *Fleire møteplassar for uorganisert aktivitet*
- Skateområde er tiltak nummer ein i planen for å nå dette målet*

Det er avsett midlar til eit samfunnsutviklingsfond i Fyresdal kommune. Dette fondet skal mellom anna kunne finansiere t.d. forprosjekt, forstudier etter søknad. Tildeling gjerast etter skjønnsmessig vurdering av formannskapet.

Realisering av rullepark i sentrumsområdet har vore etterspurt, og er eit positivt tiltak. Det er avsett kommunale midlar som skal delfinansiere prosjektet, og det er planlagt gjennomført i 2027.

Fyresdal kommune er i ein fase med stor næringsetablering, og vil ganske snart ha behov for arbeidskraft og tilflytting. Dette kan vere eit viktig tiltak for gjere seg attraktiv for tilflyttarar, men og like viktig for dei som allereie bur her.

Målgruppa for området er barn og unge i alder 6 år og oppover, og vi ser at området allereie no er mykje brukt av målgruppa.

Konklusjon:

Fyresdal formannskap løyver inntil kr 300.000,- til gjennomføring av forprosjekt Rullepark i Fyresdal.

Forprosjektet skal;

- Utarbeide skisser og funksjonsbeskrivingar
- Kostnadsestimere og utarbeide målpris
- Finansieringsplan
- Skaffe ekstern finansiering

Dersom forprosjektet konkluderer med at prosjektet er gjennomførbart og finansiering er på plass, får kommunestyret ein sak og vurdering, og ein kan eventuelt gå vidare til byggjefase med bygging i 2027.

Innstilling frå kommunedirektøren:

Fyresdal formannskapet løver inntil kr 300.000,- til gjennomføring av forprosjekt Rullepark i Fyresdal.

Løyvinga frå 111 Samfunnsutviklingsfondet?

Sum Rest på fondet blir då kr 1.200.000,-.

Ulf Pedersen	
Kommunedirektør	Hilde Martini Momrak
	avdelingsleiar kultur